

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 041-0-SU-24-000583
Visoko, 28.2.2024. godine

Na osnovu člana 64. stav 1. tačka b), člana 70. stav 1., 3. i 6. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14 i 59/22) te preporuke Komisije za provođenje postupka javne nabavke utvrđene u zapisniku broj 041-0-SU-24-000578 od 27.2.2024. godine, u postupku javne nabavke usluga najam sistema centralizovanog štampanja na multifunkcijskim uređajima za potrebe Općinskog suda u Visokom, d o n o s i m

O D L U K U

o izboru najpovoljnijeg ponuđača

Prihvata se preporuka Komisije za provođenje postupka javne nabavke i okvirni sporazum na tri godine za javnu nabavku usluga najam sistema centralizovanog štampanja na multifunkcijskim uređajima za potrebe Općinskog suda u Visokom te se dodjeljuje ponuđaču „ALF-OM“ d.o.o. Banja Luka, ulica Mladena Stojanovića 43-45, ponuda broj 0057/JG od 20.2.2024. godine, za ponudenu cijenu **49.800,00 KM bez PDV-a**, odnosno **58.266,00 KM sa uračunatim PDV-om**, kao jedinom i najpovoljnijem ponuđaču.

Izabrani ponuđač je dužan u roku od 7 (sedam) dana od dana zaprimanja ove odluke, odnosno obavještenja o rezultatima ovog postupka javne nabavke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama.

Ova odluka objavit će se na web stranici Općinskog suda u Visokom, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke usluga najam sistema centralizovanog štampanja na multifunkcijskim uređajima za potrebe Općinskog suda u Visokom pokrenut je Odlukom o pokretanju postupka javne nabavke, broj 041-0-SU-24-000424 od 14.2.2024. godine, u kojoj je predviđeno da je procijenjena vrijednost javne nabavke, bez PDV-a 49.800,00 KM, uz potpisivanje okvirnog sporazuma na period od tri godine.

Tenderska dokumentacija i Obavještenje o nabavci broj 4256-7-2-5-3-3/24 objavljeno je na Portalu javnih nabavki dana 16.2.2024. godine.

Postupak javne nabavke usluga najam sistema centralizovanog štampanja na multifunkcijskim uređajima za potrebe Općinskog suda u Visokom, proveden je putem konkurentskog zahtjeva za dostavu ponuda, broj 041-0-SU-24-00453 od 15.2.2024. godine

Komisija za javne nabavke Općinskog suda u Visokom imenovana rješenjem predsjednika Općinskog suda u Visokom, broj 041-0-SU-24-000425 od 14.2.2024. godine, dostavila je dana 28.2.2024. godine predsjedniku Općinskog suda u Visokom, Zapisnik o pregledu i ocjeni ponuda broj 041-0-SU-24-000578 od 27.2.2024. godine, sa preporukom o izboru najpovoljnijeg ponuđača za nabavku usluga najam sistema centralizovanog štampanja na multifunkcijskim uređajima za potrebe Općinskog suda u Visokom.

U postupku po dostavljanju zapisnika konstatovano je da je Komisija za javne nabavke blagovremeno i pravilno izvršila javno otvaranje, pregled i ocjenu prispjelih ponuda o čemu je sačinila zapisnik u kojem je konstatovano da je primljena jedna ponuda, da nije bilo neblagovremenih ponuda i da je blagovremena ponuda ponuđača:

„ALF-OM“ d.o.o. Banja Luka, ulica Mladena Stojanovića 43-45, 78000 Banja Luka, ponuda broj 0057/JG od 20.2.2024. godine, za ponudenu cijenu **49.800,00 KM bez PDV-a**, odnosno **58.266,00 KM sa uračunatim PDV-om**, kao jedinom i najpovoljnijem ponuđaču, uz potpisivanje okvirnog sporazuma na period od tri godine.

Komisija je nastavila sa radom radi formalno pravne i suštinske provjere prispjele ponude, te je analizom i uvidom u priloženu dokumentaciju utvrdila da je ponuda kvalifikovana i prihvatljiva za ugovorni organ, jer je dostavljena shodno odredbama zakona i općim aktima ugovornog organa, tenderskoj dokumentaciji te utvrđenom kriteriju za vrednovanje ponuda "najniža cijena" i da su dostavljeni svi traženi dokazi propisani tenderskom dokumentacijom i na propisan način.

Nakon što je konstatovano da je ponuda prihvatljiva za ugovorni organ, Komisija je u skladu sa članom 4. stav 2. Pravilnika o uslovima i načinu korištenja E-aukcije („Službeni glasnik BiH“, broj 80/23“), konstatovala da nema uvjeta za provođenje E-aukcije, te okončala postupak javne nabavke u skladu sa članom 69. Zakona o javnim nabavkama.


Cijeneći navedeno, Komisija je dala preporuku predsjedniku Općinskog suda u Visokom da se dodjela okvirnog sporazuma na tri godine izvrši, za najpovoljniju ponudu, jedinom ponuđaču „ALF-OM“ d.o.o. Banja Luka, ulica Mladena Stojanovića 43-45, 78000 Banja Luka, ponuda broj 0057/JG od 20.2.2024. godine, za ponudenu cijenu **49.800,00 KM bez PDV-a**, odnosno **58.266,00 KM sa uračunatim PDV-om**.

Pri donošenju ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača i ocjenu prispjele ponude, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, u cjelosti se prihvata zapisnik o pregledu i ocjeni ponuda.

Na osnovu izloženog, a u skladu sa članom 64. stav (1) tačka b), odlučeno je kao u dispozitivu odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.



Dostavljeno:

- 1x Ponuđaču
- 1x Komisiji za javne nabavke
- 1x Odsjeku za opće i računovodstveno-materijalne poslove,
- 1x a/a.